



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 27. Japonum Legati honorifice excepti, ac Roma profecti.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI
A.C. 1585.

quam vero hæc inauguratio fieret, novus Papa Romanæ Urbis Governatorem, omnesque capitalis fori Judices accerserat, eis injungens, ut æquitati totis viribus studerent, ubi illos tam se-vera oratione alloquebatur, ut ejus verba potius comminantis, quam hortantis esse viderentur: summa autem benevolentia Principum, Procerumque Romanorum Oratores excipiebat, quamvis illos sermone prolixo minime detineret, causatus, quod gravioribus negotiis, quam verbosis ejusmodi gratulationibus primos Pontificatus sui dies sacrare cogeret.

§. XXVII.

*Japonum Legati honorifice excepti,
ac Romæ profecti.*

*Labe tom. 1.
lib. 5.
Sachini hist.
Soc. p. 5. l. 5.
pag. 229.*

Nihilominus Japoniæ Legatos singulari dignabatur benevolentia, eosque perhonorifice excipiens cum illis non sine luculentis paterni affectus, ac familiaritatis testificationibus conferebat, indulgens etiam, ut ipsi in suæ coronationis die Umbellam deferrent, ac Pontifici rem divinam peragenti, manusque lavanti aquam affunderent: insuper præcepit, ut hi sequenti Dominica ipsum, cum ad capeffendam Ecclesiæ Lateranensis possessionem pergeret, comitarentur, ac cum ceteris Proceribus

ceribus solemniter equis veherentur, Sæcul. XVI.
A C 1585.
ubi primus ex hisce Oratoribus Pontifici equum conscendenti stapedem tenebat. Postea cuncti hi Oratores magnificis prorsus donis ab hoc Pontifice honorabantur.

Denique præter tot favores Papa insuper novo liberalitatis suæ argumento quatuor millium aureorum pensionem, quam nuper defunctus Pontifex pro conservandis eorum seminariis indulserat, aliis duobus aureorum millibus augeri voluit, iisque pro itineris sumptibus tria aureorum millia, præter plurima privilegia, dono dedit, eisque per integrum trimestre, quo Romæ morabantur, gratuita hospitia definavit: cum vero sese itineri accingerent, ipse juxta eorum vota sacrum pro iterantibus, ut a Deo ipsis prosperum in patriam suam reditum impetraret, celebrabat, cunctisque quatuor hisce Legatis sacram Synaxin propria manu distribuebat. Demum ad Capitolinam domum deducti ibidem excipiebantur a Senatoribus, populique Conservatoribus, qui sedibus in Senatu assignatis illos, omnesque eorum postereros, in quacunque regione nascerentur, Urbis Romanæ Cives, ac Patritios declarabant, tradentes diplomata, quæ in charta pergamena eleganter descripta

Hist. Eccles. Tom. L.

U. scripta

Sæcul. XVI.
A.C. 1585. scripta ingenti sigillo aureo ex encausto opere munita erant. Tot honoribus, donisque cumulati postremo accepta summi Pontificis benedictione die tertia Junii Roma discesserunt, ac comitantibus eos Papæ Ministris per Urbina- tis Ducatum, & Marchiam Anconi- tanam Venetias usque deducebantur, inde vero Ferrariam, Mantuam, & Me- diolanum pergebant, ut universæ Ita- liæ populi tam solemnibus, atque a remo- tissimis regionibus decretæ legationis testes essent: Ceterum hi Oratores in omnibus urbibus summa magnificentia recipiebantur: tandem vero Genuam delati conscensa navi in Hispaniam, sti- pante eos decem triremium classe con- tenderunt, atque in patriam suam re- versi sunt.

§. XXVIII.

Italia ab exulibus, & latronibus pe- nitus per Papam expurgata.

Bullar.
Const. 1.
Sixti V.
p. 526.

Die vigesima quarta Maji summus Pontifex per universum Orbem An- ni sacri solemnitatem promulgabat, ut ipse ad sustinendum impositum sibi onus a Deo necessarias vires obtinere posset, cum suarum partium esse nosset, ut morum correctioni insudaret, & corru- ptelis, malisque per nimiam Prædecef- foris sui clementiam introductis reme- dium